

MIZORAM PRESBYTERIAN KOHHRAN

(Presbyterian Church of India)

Moderator : Rev. R. Lalhmingthanga
Secretary (Sr): Rev. R. Vanlalngbaka
Secretary (Jr): Rev. Vanlalrova Khiangte
Fin. Officers : Rev. B. Sangthanga
Rev. Lalramliana Pachuau
Statistician : Upa C. Lalbiakthanga



Sr. Executive Secretary
Rev. Lianhmingthanga Sailo

Executive Secretary
Rev. B. Sangthanga
Rev. K. Lalrinmawia

MIZORAM SYNOD

SYNOD OFFICE, AIZAWL - 796001, MIZORAM, INDIA

Ph: (0389) 2326372/2322285/2335821/2324448; Email: mizoramsynod@gmail.com; Fax: 0389-2322132

Memo No. MS/GEN - 46/2019/125

Dated Aizawl, the 4th March, 2019

To,

The Secretary,

Kohhran

Subject : Synod Hospital Charity Fund pual thawhlawm thawh chungchang

Rawngbawlpui duh tak,


Kan Lalpa Isua Krista hmingin chibai ka buk a che

Synod 2018 chuan Synod Hospital Charity Fund atan Pathianni zan vawikhat thawhlawm pek tha a ti a, SEC bawhzui turin a rel a (*Vide Synod 2018 Gen 11*). Synod Executive Committee chuan bawhzuiin a ngaihtuah a, "**Kum 2019 Easter Sunday (21st April 2019) zan inkhawm thawhlawm chu Hospital Charity Fund atan lakkhawm ni se, Synod Office Finance Deptt.-ah thehluh ni se**" tiin a rel a (*Vide SEC 279:13 of Dated 19th - 21st February 2019*).

Synod Hospital-a damlo inenkawlina senso pe thei lo tam takte tanpuina tur a ni tih hrerenga in Kohhranah thahnemngai taka hma laa in lo bawhzui theih chuan a lawmawm hle ang.

Pathianin awmpuiin malsawm zel che rawh se.

I rawngbawlpui,


(REV. R. VANLALNGHAKA)
Secretary,


Mizoram Synod

Dated Aizawl, the 4th March, 2019

Memo No. MS/GEN - 46/2019/124

Copy to :-

1. Bial Secretary - Bial chung Kohhrante a lo pek turin
2. Pastor zawng zawng
3. Pro Pastor zawng zawng
4. Finance Manager, Synod Office
5. Director, Synod Hospital
6. Office File


Secretary,
Mizoram Synod

SYNOD HOSPITAL DINHMUN

1. **Tihdam rawngbawlna :**

Lal Isua rawngbawlna hi kipui pathum —Thuhiril, Zirtir leh Tihdam-in a kal thin. A pawimawh bik awm lovin a hmang tangkai vek. Mipui tam zawkin amah an beiseina pawh tihdam a ni. Dam beiseia pantute chu lo tidamin Ram Chanchin Tha a zirtir thin.

Lal Isua tihdam hna chu chhonzawmin Wales Mission chuan kum 1908-ah Missionary Doctor Peter Fraser-a rawn tirin tangkai takin tihdam hna chu kalpui a ni a. Kum 1912-ah a haw a tul leh tak avangin tihdam rawngbawl hna pawh hun engemaw chen a khaih lak a. Chutih laia Zosap Rev. EL Mendus chuan a ram mite (Mizo te) bawhsawmzia a hmuh thu leh damna keng tel lova rawngbawl chu a khingbaizia thu a ziak a, an Kohhran chanchinbua an chhuah chuan Dr. John Williams (Pu Daka) a cho chhuak a. Kum 1928 February ni 22-ah Mizoram lo thlengin Wales Mission Hospital chu Durtlang-ah din nghal a ni. Tluang taka kalin a thang lian zel a. Kum 1958-ah Wales Mission chuan Mizoram Presbyterian Synod kutah a hlan ta a ni.

Wales Mission-in Synod-a a hlanna thuthlung pawimawh tak chu hei hi a ni, “**Damlo enkawlna leh Nurse chherchhuahna kawngah Kristian rilru dik tak pui, Hospital din a nih tirha a dinna rilru ang takin a chhonzawm zel tur a ni. Chu chun he Hospital rawngbawl hna hi Chanchin Tha hrihna hmun pawimawh a nihzia a tarlang zel dawn a ni**” tiin. Chu thuthlung chu kengin Mizoram Presbyterian Kohhran Synod chuan Tihdam rawngbawl hna chu Synod Hospital (Mission Hospital) hmangin a kalpui ta zel a ni.

Kan Synod-in Hospital din chhan (Mission Statement) ziaka a dah dan pawh hetiang a ni. “**Lal Isua tihdam rawngbawlna hna chhonzawm a, a tha thei ang bera damlo enkawl, sakhua, pawl, chi leh vun rawng avanga inthliarna awm hauh lova natna tinrenga nate enkawlna, thiamna sang hmanga inenkawlna hmun tha, Pathian atanga hmangaihna nena damlote enkawlna leh Nurse tha chherchhuahna nih hi a tum ber a ni**” tiin.

2. **Synod Hospital-a thawktute :**

Doctor thiam rual 40, Nurse 207 leh thawktu dang nen mi 502 lai an bung mek a, damlo khum 355 a awm bawk. Kan Kohhran hnapui a nih angin Synod pawhin a thuam tha nasa a, inzaina khawl leh damlo enkawlna hmanraw dangah pawh a changlung sawt hle.

3. **Damlote dinhmun :**

Synod Hospital pantu damlote hi dam beiseia Isua pantute angin damdawi lama thiamna bakah Chaplain-te hmangin a theih chin chinah Pathian thu leh tawngtaina nen enkawl an ni thin.

Damlo tam tak chu an inenkawlna senso pe nghal thei an ni a. Thenkhat erawh chu pe tla nghal thei lo, hun tiam chhunga rinawm taka rawn pe leh an awm. Ngaihsak zui lo pawh an awmin a lang. Thenkhat chu, “**Sum leh pai hmachhuan tur kan nei lo,**

thih kan ngam bik si lo, Kohhran Hospital-ah hian kan rawn tlu lut tawp” ti sa an awm bawk.

Kan Synod Tihdam Rawngbawlna hian damlo tumah a hnar thei lova, rethei leh hausa inthliarna awm hauh lovin ang khatin a enkawl thin. Damlo rethei zual, damdawi lei zuina leh an hawna man tur nei lo, thawktuten an puih tak engemaw zat an awm bawk thin.

Tunah hian damlo awm man ba Rs. 348,00,000/- a awm mek a (hei hi kum 5 chung ba tling khawm a ni). Tin, Sawrkar lam RSBY-in Rs. 98,00,000/- min la bat sak bawk. Damlo a baa chhuak turte chu fimkhur leh uluk taka kawm an ni a. An lawina Kohhran hriatpuina pawh lain an rulh hun tur pawh ruahmanpui an ni a, rinawm taka rawn rul leh pawh an awm thin.

Damlo ba leh damlo te dinhmun thlirin Synod Hospital hi kan Kohhranin rethei leh mangangte a kuangkuahna leh chhawmdawlina hmun pawimawh leh lian tak, Van nena inzawm renga ngaihtuahna hmang mekte zinga rawngbawlina hmun pawimawh tak a ni.

4. Thilpek :

Tun hnaiah hian Kohhran mite thinlungah thenawm khawveng, harsatna tawkte chung a hmangaihna lantir duhna a lian sawt hle. Kohhran, Pawlho, KTP, Kohhran Hmeichhia, Pavalai Pawl leh mimala Charity Fund pe pawh an pung nasa. Tin, Hospital Sunday thawhlawm pawh Kohhran engemaw zat chuan damlo kanna remchanga hmang tura infuihte pawh an awm. Kumin (April 2018 - January 2019) chhungin mi thahnemngaite thilpek leh Hospital Sunday thawhlawm tlingkhawm hi Rs. 50,00,000/- lai a tling a. Chumi atanga Rs. 45,67,312/- chu Charity Fund Committee chuan mi 354 awm man ba rulh nan a hmang a ni. Damlo, rethei mangang an tam thin avangin Hospital enkawlina kawngah buaithlak deuh chang pawh a awm thin.

Lal Isua tihdam hna chhunzawma Kohhran hovin hma kan laknaah hian tawngtai leh thilpeka tan la zel turin kan insawm a ni e.